

江
西
詩
徵

江西詩徵卷七十六

南城僧煥寶谷編輯

國朝

汪 軻

軻字輦雲一字迂行武寧人少孤貧刻苦向學懃
直重氣誼使酒罵坐而人益親愛之以優貢生肄
業太學選吉水訓導卒著有魚亭集

述懷

資身靡生產骨肉皆遠離人生有天性晨昏常念之念之
將奚爲悲風四面來延望天地內欲行復徘徊浮塵蔽廣
路落木下荒臺所遇多倉卒相親亦寡諧世情豈不厚吾

江西詩徵

卷七十六 國朝十二

一

意固當乖行邁常無因駕言實苦辛蒼旻馳白日照我行
路人

朔風吹野草奄忽與根離草當隨風舉飄蕩念春暉我行
未云邁高堂心已悲朝暮倚閭望常見烏鵲飛天寒歲欲
暮兄當遊遠方前望路迢迢仰視天蒼蒼山川日色薄十
月多嚴霜耳目皆蕭瑟負米延道旁

天際來鴻雁原中過鵲鴿竚羨其羽翼而思我弟兄因無
資身策各有南北行孰知貧賤故能使捐性情登高一長
歎遙見北風生風生吹我寒策足度關山家食苟云足不
辭行路難終年鳴佩劍四顧荆朱顏

古風

崦嵫銜白日餘景散荒洲萬物同氣變青松何修修結根
固有意氣薄委先秋人生不立業倉卒如蜉蝣古人去已
久遺物盡縹緲百年良易盡忽忽歲華流

松柏亦不堅金石亦不固南山耕爲田滄海踏作路日月
有老時神仙亦何誤萬歲如一朝可勿窮其數白雲騎高
邱中有葛洪墓

芳草有遐思宛轉托霜露期君湘水旁常恐歲華暮秋水
搖白波秋風蕩寒素相逢不及春蓋爲時節誤人生百歲
間悲喜閱多故莫言遠別離山海鬱層霧

鬱鬱復鬱鬱蹉跎復蹉跎我有清商曲此夜向誰歌東鄰
有少婦空房織秋羅殘機情脉脉燈白繞飛蛾停梭三太

江西詩徵

卷七十六

國朝十二

二

息芳意感春過同是傷心者涕泗各滂沱

歌舞不可常夜飛銅雀影後庭玉樹殘血濺美人井烏啼
白楊顛落日照陵寢王孫策馬過西風時凜凜前有白玉
鵲停鞭不能飲感彼泉下人杳杳何時醒

石室東王公投壺賺玉女清醺轉素波白晝走神雨憫世
務火光時張夜蟲羽袖中一粒丹顧盼無可予於我甚殷
勤竚見瀛洲渚

北邙行

秋草夾長路驅車出北邙寒狐號落日悲風激白楊昨巨
人歌蒿里曲今朝人在山頭哭山頭坂上無閒土新棺重
上舊墳築松楸百尺挂銘旌燐炬黃昏鬼追逐金精石髓

有何補魚燈漆漆骨易腐道旁石馬與石人終作牧童繫牛處

關山行

關山秋草風蕭瑟戍角悲笳聽不得月照征人望遠心霜吹暮馬蒼黃色黃雲黯黯沒金微萬里無人一雁飛故鄉此夜寒砧淚盡入沙場戰士衣

滕王閣送彭景之孝廉北上

孤雲飛不定野鶴上天鳴古驛無楊柳荒江有杜蘅貽君香草意盡我故人情一片關河月淒然向客明

送客臨江岸馬嘶車欲行故交皆遠別公子復長征落日辭南浦西風入古城不堪高閣上還有塞鴻聲

送戈博山之楚

一帆荆楚月千里
洞庭秋雁影橫湘
渡猿聲入漢流
當歌還鼓棹作客
莫登樓風到關山
急吹君恐白頭

古意贈別趙山南

白日當躊躇青雲復輾轉
乳燕出高樓陌上垂楊滿
美人動芳思握髮臨春
澣門御七香車路吹雙
玉珰長風天上來不見
行旌返

江頭起素雲飛鳥馳高翰
君有萬里行相思日言遠
常恐新意生悠然故物罕
芳草向春歸沿河綠欲滿
獨有南浦樓夜夜珠簾捲

己未冬同熊浣青楊子載百花洲分韻

孤雲沉遠浦湖水照空堂木石棲寒景風烟葬古香酒從
前夜減人是昔年狂天地能容我窮途詎感傷

同羅帶五及表弟余復旦江上縱飲贈客

停舟維野岸縱酒發豪吟都不問平素慨然期此心天風
吹夜至江月照人深爽水藍花白悠悠露已沉

壬戌重九日法輪巷次林儒珍原韻

竟日延荒寺秋聲不可歌磬中間午至石上見寒過野鳥
心常肅孤僧鬢已皤欲歸情不盡門外夕陽多

癸亥上巳日同彭景之遊北蘭寺分韻

白晝鐘聲樹杪懸三春野寺閉蕭然竹扉欵破孤僧出芳
草淒殘古佛眠烏避人聲登峻木客隨犬吠入層烟石頭

坐定花飛落斜對江風水外天

郭外荒郊古木多
颺颺白日走藤蘿
千年老塚無人掃
一片斜陽白渡河
樵牧踐之皆躑躅
風烟到此獨嵯峨
清明節近來憑弔
杜宇聲寒不可過

過十八灘

三千里路棹歸舟
十八灘心有亂流
歸雁一聲荒草岸
寒鴉幾點荻花洲
夕陽渡水無人跡
暝色依船有客愁
西望白雲臨絕壁
江楓遙送隔山秋

長門怨

秋風冷院深脉脉
依素影輦聲戶外
過妾誤整衣領
白石邨病中寄盛蘭圃

三月鶯花夢裏邨一牀風雨對黃昏
鷓鴣聲斷春歸去藥灶烟深獨閉門

大柳驛題壁寄凌東臯劉鶴亭

客路寒深獨悄然關山迢遞入霜天
馬嘶古驛斜陽裏人倚西風落雁邊

丙寅三月留別趙山南

我欲廣陵去君當江上還浪聲春野渡
風色上愁顏獨鳥常離樹孤雲不在山
何時江水竭同與閉重關
倉卒心難別殷勤復執衣
莫言知己易從此故人稀
夕照延虛館江聲上翠微
蕭然南浦路一片白雲飛

丁卯寒食前一日同趙山南滕王閣遠眺言別次韻

弔古情深一惘然才人千載意相憐
鳴榔響外多鷓鴣社鼓聲中有杜鵑
明月又生青海上采鸞不下碧雲天
神仙亦是荒唐事賣劍還求買渡錢

一閣蕭然憶舊秋無人作賦宴洪州
常辭南浦悲行路又見春風謝此樓
客子獨多懷刺感窮途長有賣文愁
明朝各在東西望江上離心載兩舟

荅趙山南原韻

江柳枯不盡其心亦何長與君隔秋水
同鑑此月光浮雲無定所天地終茫茫
水聲多宛轉流意下河梁蛾眉受詠嫵
母心始平海水波瀾激天風吹白清寸心
臨古鏡日月懸雙明含君千里光緘我
百年情

丁卯春暮桐城道中寄內

買卜錢空看雁飛年來典盡嫁時衣
知卿不識江南路月到門前夢又歸

丁卯九月晦夜哭趙山南

一片西風淚常隨趙子魂眼枯千載恨腸斷一燈昏
白髮遺雙老黃泉閉九門悲聲咽江水夜夜黑雲屯

邊簫鏘海島楚挽咽槐風上帝無情極斯人竟數窮
識干今古忌才犯鬼神攻若到玉樓上還應學噴壺

題觀察凌約銘先生匡山觀瀑圖

蒼冥出樹巔霹靂走山半遙見白雲開絕壁挂銀漢
寒生石骨秋光入芙蓉幹水有千年心終古流不斷
日夕素蜺

垂青天光浩漫弭節駐幽陰
仰首對山矸茫茫元氣中獨
立得深玩

青崖俯不類白雲飛不去素練下高天
寒聲落遠樹淵淵萬仞泉浩浩方寸注
獨立海風中飄然得神遇觀到有象
時聽入無聲處山水有性情轡軒欲常駐
繪此古泉圖他日慰遐慕

古意

朝陽入洞房春氣吹花暖一心托明鏡
照人光不滿三歲刺雙鸞神態盡委婉
寧辭鍼線勞而使華翎短江南秋月多
江北秋風早不悲秋夜寒獨悲客心老
昨夜夢魂中見君顏色好妾本薄命人
顚顚何足道

荅潘雲五

青桂或爲炊白蘭或供爨客有太息聲春風吹不斷延頸
立遠皐舒綰託飛翰桃李實無言成蹊目皆亂美人惜幽
芳採之獨何晏

斯園留別雷東甫正甫

雞黍樂高會行人多遠思策車當此別前路復何之礪水
有歸日山雲無盡時板橋難竟度心在綠楊枝
君歌梁甫吟忽感別離心客子雨中望春山雲外深前邨
生野水遠樹息飛禽欲去還回首相期是德音

送李芑園之雲南

江千來送君望入古滇雲瘴氣地中出猿聲天半聞斷崖

江表言省
卷之十一
懸朽棧孤影在斜曛萬里初回首東南路不分

泊峽江

飄停依水盡縣市若山邨夜色來沙嘴江聲出峽門鵲鳴
孤棹尾風起斷崖根草木多秋意誰能奠客魂

過吉水

灘盡平流遠潭深峭石稀榜人抱膝坐沙鳥傍船飛烟斷
看鋪網月明聞搗衣風聲時入樹有客正懷歸

吉州留別朱國堂謝汝恭朱孺翀兼柬伍度昭馬夢

南

夜色水中落秋風江上吹故人分手急明月出山遲葉下
河前路舟行是此時過灘回望處一片黑雲垂

建昌道中寄林儒珍

古驛西風滿荒城落葉多青虹橫野路白日走秋河搔首
雙鵬落揚鞭一雁過長將行旅意遙寄與君歌

贈陳五貞

幽蘭產山澤入市香漸無蕭艾或同佩其心悲益孤有客
采芳至歌聲爲抑紆物求適本性何許慰區區

和蔣茗生詠太眞雙魚鏡韻

霓裳光轉影層層曲絕鸞分悲不勝難盡蓬萊仙子意手
持明月望西陵

調琴引

玉蟲光薄釵頭冷秋雨秋風絃上緊十指躊躇鳳不飛螭

蛩聲咽芙蓉醒金徽無語歌未穩相思滿鏡凋鉛粉暮雲
寒破出高庭五更一樹秋紅隕

襄陽曲

襄陽女兒住蘭舟瑤琴寶瑟懸飛樓獨坐垂簾動銀甲絃
端忽已生春愁春愁飛上連枝樹又見鴛鴦其來去夜夜
東風江上吹花落月沉天復曙

秋夜舟中望匡廬

雁過潯陽口舟維絕壁陰谿風旋斷草瀑布下空林月立
山靈嘯波生海客吟老僧多少夢吹人白雲深

九秋詩和賈義烏原韻

敗葉填空壑寒雲出岫輕石潭流薄影山閣敞虛明月下

過頽隴秋邊卧斷城涼颼吹不散縹緲故人情

秋雲

如珠出秋水夜照一池涼挾火穿深樹流暉耀洞房朱欄

翻亂影白草立寒光常抱明星意翩翩逐早霜

秋螢

月挂長河口稻梁不可干影連沙塞黑聲落玉關寒風急
息常少夜遙飛獨難悲秋湖上客聽爾渡層瀾

秋雁

田家詩和子載韻

負郭漫平疇茫茫春草肥時序過三月隴頭盡扶犁牽牛
雨中飯布穀原上飛媿婦荷蓑笠穉兒停午機念此動忻
慕嗟予行未歸田鼓出前邨老農驅犢遠東風原上過水
蕩菑畝轉冒雨至田中耕稼不容緩順茲天地心戮力事
平阪無以報羲農土登盛麥飯

課兒圖爲友人蔣心餘母鍾孺人賦

和膽非眞苦畫荻匪極窮請看吾友母竹絲開兒蒙引兒
坐膝上置兒登機中竹絲日離合六書多變通兒年雖四
歲喜兒心能融野無半畝田家無一畝宮父行千萬里母
依外祖翁外祖亦貧妻書史稱素豐旱魃旣爲虐陽侯兼
肆凶買粟如買玉硯畊穫亦空悲歌將白髯和女詩常工
謂女且停織買絲繡玲瓏命奴貨于市始免飢寒攻衣食
倚數指心手勞三冬授經機杼旁明道皆母功吾友始十
齡知母懷愁衷父遊燕趙魏慷慨爲文雄名羈不顧返踪
跡如飄蓬母常西北望音斷無歸鴻倚膝淚交下殷憂填
心胸父歸未一載又策平原驄束書隨繡具舉家俱相從

出門褰母衣交涕離乃公畏車與畏馬母子情相同道路
歷霜雪鄉心吹迴風行過太行北周流黃河東隴西八九
載南望雲千重雪光暨螢照辛苦難形容我友年已冠振
采並華嵩送懷千載上吐氣如霓虹盛名走下士朋儕避
才鋒惟母勸夫子慨然歸南邦築室迎子婦課夜傍蘭叢
機聲雜書響燈光輝簾櫳兒學喜已茂名途欣已通殷勤
語兒婦難忘是女紅婉嫕含淑德海內欽閨宗我友懷有
素詎止金泥封文章期日顯明德期日崇

楓香驛題壁寄雷東甫

故人三載別行子一身遙老馬奔荒驛孤亭倚斷橋顏山
殘照白古道朔風驕若問天涯意朱顏久欲凋

秋夜同高近泉修江泛舟

月靜秋河白懸帆走夜闌雁聲沙上急人影露前寒老樹橫孤岸明星下淺灘風恬魚夢穩坐使此心寬

旅舍送別盛水賓先生歸留雪次余薔菴先生原韻
都作還家計謀歸我獨難城樓三鼓落風雨一燈寒客酒將年去離音迫夜闌浮生無定在何處可言歡

送劉記州之粵未及

山雨入江心風頭夜色沉征帆何處宿別淚此回深弋火明沙澈漁燈出秋林黯然翹首地寒氣共相侵

寄舍弟連與嶮

有志全兄職無能讀父書持家長賴汝作客獨憐余每入

慈親夢常牽遠道車又將歲云莫翹首望吾廬

寒食病起

東風顚顚對青樓藥灶吹殘半縷烟病我一春紅杏雨愁
人三月綠楊天草深戶外懸蛛網花落枝頭叫杜鵑昨夜
隔江寒食語蕭蕭夢載秣陵船

贈黎質存一丈

買渡君常約開尊我數過浮家臨水澤閱世歷風波畫本
春花少詩囊客路多無端生感喟處處有悲歌

讀曲歌

妾作五更風懽爲夜半月照儂有性情吹汝爲圓缺
懽折桃李花儂向春風立宛轉若嬌羞羅裳花露濕

昨夜月明中泥深復得藕藕斷絲仍續總是蓮心厚
郎爲白玉鞍妾作黃金轡任行千萬里上下不相離

湘靈曲轉和子載韻

湘娥一夕淚化作千年雨風吹洞庭秋月照香蘭語渺渺
白波生神絃咽靈緒元鶴立青松高淚刷癰羽蒼梧起素
雲帝子游何許夜夜鼓瑟聲愁殺江頭女

七夕吟

秋月上明河素流聲浩浩織女望牽牛殷勤停杼蚤幽閨
未嫁人皆言牛女老紅顏復幾時蟬鬢亦蒼皓天上與人
間佳期皆草草

辛未十月晦夜同楊子載聞孚中潘雲五蔣心餘集

村集

題緣青禪房

丈室多連水當軒半是山嶺雲時欲度溪鳥自知還梵唱
花隨落僧孤月共閒爲憐元度至門設不曾關

過前坪寺贈雪意禪師

聽梵來山寺敲門渡石橋魚吹新浪細鶴唳老松遙香重
天花落晴空法雨飄早知隨惠遠不復嘆蕭條

醉中荅問滇程者

間說南遊醉便醒曾經三月望邊城蠻溪地坼含天小瘴
嶺泉飛近月明鄉思夜猿啼處苦客愁秋雁過時生君行
莫賣長門賦異地文章價最輕

對雪

灑迴初疑雨隨風半是花
牕虛聲漸濕竹重影多斜
煖老親爐火衝寒羨酒家
袁安餘一榻穩卧是生涯

虎溪竹枝詞

湖東馬鬣薦春還更上溪南
碧樹灣鸚鵡聲多獅子嶺
杜鵑花發鳳皇山

秔稻收殘豆莢香家家社酒
漚槽牀紅牙綽版長腰鼓
一曲吳歛賽社王

黃絲旅店

疲馬登山步步難且於茅店
解征鞍江通麻哈流偏急天
到梓州便更寒長鍊有情隨
遠近尺書無計報平安一樽

暫對孤燈酌遊覽如今興亦闌

響水河

似發蠻溪漲飛流滾滾來雷聲穿石出雪色抱巖迴絕嶺
雲千片孤亭酒一杯衰年經險僻莫怪各心灰

自感

所爐火盡酒還溫無事空齋半掩門夜靜一燈窺影瘦愁
來雙目看書昏枯盤紅燭留官閣妻子共蠶共瓦盆遙隔
故園將萬里亂山環遶更消魂

懷廖步青別業

世綵堂邊宅書聲高復低龍媒新冀北馬帳舊關西綠柳
撈蝦渚青葙種秫畦深知風日美客夢不曾迷

輓秦金甌次金駿聲韻

聞道浮槎是去年不留塵世一詩仙
花開吟圃空千藎書散豪家幾萬箋
故榭淒涼無客過諸孫零落有誰憐
我來得讀傷心句獨自搔頭不問天

晤車渠若

好友如名山令人不忍去況當久別離
數載始一晤昔日別君時我髮白無數
今日一見君君顏亦非故相看兩欲歔
歔豈獨嗟遲暮欲坐邱林間一一傾平素
轉覺風塵叟含羞對烟樹

讀黃位中孤雁詩愴然感舊兼寄蘊敷奏

黃詩云湘江無伴侶

夜雨獨悲鳴

太息黃公今宿草可憐白髮倍相思雙魚不達重泉路孤

雁長懷五字詩竹徑水梁行飯處

龔子讀書水寺

菱塘山舍看

花時

予昔假館菱塘山舍

傷心彈指幾人在一度成一度悲

擬負亡弟漢年骸骨歸里

海上西風鴈影分幾年腸斷隴頭雲招魂不識魂歸未一
挂孤筇一望君

崎嶇鳥道萬峯連漠漠陰雲馬不前却恐山寒寒入骨寬
裁布被待君眠

祖道誰澆酒半壺飢魂今日走長途荒村野店鍋焦飯未
忍先嘗便汝呼

愁緒鰥鰥夜正長秋風瑟瑟落微霜主人客伴多拘忌人

靜偷焚一炷香

如此飄蓬最可憐
淒風苦雨走荒煙
崇山是爾來時路
好聽灘聲上渡船

日斜江上水悠悠
莫把孤舟傍戍樓
中有不暝千載目
角聲吹起一生愁

生愛痴兒死不殊
浪高青草正愁吾
夢中昨夜分明語
如此風波莫過湖

未了平生已蓋棺
北邙環送哭聲寒
故鄉比似他鄉好
贏得墳頭淚不乾

聞若南弟卜居東邑誌喜

嵐深烟重水通渠
罨畫溪山好結廬
翠糝羹香供客饌
銀

頭茶焙足官稍蒼松野鶴孤雲外茅屋窪槽太古初正馬
東歸君比舍子孫相約事耕鋤

秋日寄內

蕭蕭短髮白於霜萬里無且一藥囊淚洒星河初過雁寒
欺老病更啼螿君今繡佛迹塵事我亦清齋近太常破屋
閒房相料理歸來洗鉢共焚香

過楊升庵先生墓

衣紫拖金玉帶圍孤臣死後謗書飛誰知萬里收殘骨一
兩芒鞋百結衣

耿馬竹枝詞

槎枒龍樹特離奇羅拜殷勤祭寒時百尺垂絲千萬縷白

衣人道是龍髯

蜻蜓江外雪紛紛虎口坡前正好春滿路土花紅照地一枝龍竹翠迎人

白紗黃蠟佛前燈紫帕紅衫獼猴僧逐隊村姑齊下拜砂堆三月一層層

瑟瑟西風曉角催羈鷹絡馬出城隈國人如虎兵如雪宣撫山南校獵來

莖葉青青窮葉摧穀茶香酒趁墟來甘蕉果熟山鈴老滿束腰包載笑回

蓬蓬野蔌樹頭懸漠漠香蔬石上矧竹鷗藤灣風味美淡黃蟻子入盤筵

牛頭絃子口頭琴兒女恩情正在今一搦穀茶傳妾意一
輪明月見郎心

笑人卞瓦髮攀耨步金鈴響不勝腰纏海已金纏臂還
圍諸葛止疼藤

題易羅池

西風瑟瑟水茫茫萬古窮荒百戰場幾處亂山圍舊壘數
行垂柳受新霜碧波紅樹寒逾好白石蒼崖濕不妨非是
蠻歌撩客思竟忘衰髮九隆鄉

永昌有
九隆山

客樓閒望

枯藤短髮此經過目極高樓喚奈何遠嶺日斜孤塔迴遙
天瘴起百蠻多木棉花賤村姑樂蘆管聲寒牧豎歌太息

江西詩徵

卷七十六

國朝十二

六

南中章句客吟壇無處問橫戈

鄧公子龍遺集名橫戈

瀾滄江橋

森森瀾滄深萬重長虹飛跨水當中漢家故壘千年在絕
塞諸夷一線通黛色連空橫檻外雷聲入地走巴東
清時不用誇天險醉看寒江落照紅

登永昌東城樓謁忠勇公鄧大將軍

姚闢不著漢時功識應雙龍莽道通

諺云若要姚闢靜應須兩子龍劍戟

光寒山月白象犀血濺戰袍紅浮雲掃盡人何在碁局長
存恨未終百尺城樓新廟食靈旗獵獵下遙空

鏤衣金劍坐城頭髣髴西南百戰秋烹象池邊朝擊賊橫
戈關外夜推牛千年耿緇烽烟靜古瀾滄碧玉流回憶

玩山亭上月談兵應動五諸侯

用王阮亭句

昔年禪祀肇雄才今日鄰翁載酒來
玉座香清秋雨滴蠻雲風捲亂山開
孤臣力竭遺殘骨諸將魂歸哭夜臺
樓迴不堪翹首望猿聲落日暮生哀

新城竹枝詞

紛紛城角噪歸鴉寂寂茅厨日已斜
一碗鍋焦新米飯半兼蠶豆半黃瓜

木棉花發見應稀更少蘆花傍水飛
夜雨曉霜茅店雪娑羅一幅水田衣

舊城竹枝詞

天南不識采蓮歌數遍更聲喚奈何
歌罷采茶還打棗金

錢夜落掛枝多

雲州送游薰薦返滇卽歸江右

薰薦初
聞母訃

洒涕出重關垂鞭幾萬山
戍樓飛鳥外茅店亂雲間
破夢猿聲苦斜陽竹淚斑
江天魂欲斷無處問慈顏

落雪廠竹枝詞

緊風口外風怒號緊風口內利如刀
狐裘六月猶寒冷剪剪鵝毛拂敝袍

朝朝寒雨復寒風街上河流竹箭同
霑濕不嫌衣上水烘爐晝夜火長紅

扇銅爐外峭坡前咳唾聲高遠接連
不是蠻中多肺病大爐煙帶小爐烟

曾緯章

緯章字早白南豐人著有卧債吟湘中草諸集

擬古

四月典腴田豪家取半直九月償我餘輸公免相逼拂衣
謝胥吏周旋荷旦夕大斧繫長錐長錐剖山石嗟嗟石與
錐兩聲同啾唧使君本長才鞭笞矯姑息而我幸免焉于
役所不釋酌酒爲別一別無所惜腴田在東臯豪家供
賦役

蠱女謠爲邵五禮公作

許郎歸種郎蠱使郎知蠱難吐

屈纖指蹙長蛾送蠱藥馳明曉

送藥遲郎不救蠱女悲自消瘦

還蠱郎尋蠱女點蒼山慘風雨

歲暮示人

梅花樹下幾人閒人與梅花共老慳短日自烘深竹閣寒
雲難鎖舊柴關逃虛每得詩前象拒債常留酒後顏
十年休潦倒不宜逢鬢早斑斑

古棄妾篇

托身爲郎妾箕帚亦取備生死誓與偕嫡庶均一義金餅
芙蓉花花落在平地如何水上萍去住身如寄下理石榴
裙上理盤龍鬢拂拭雙燕釵猶是嫁時翠象牀春不溫蘭
房白復閉豈無佳麗人來者自易屬人生幾何時花落不

再媚

衰柳蟬聲

已帶斜陽盡枯蟬復奈何似聞訴離別同此惜蹉跎憔悴
風流在清高梗概多臨窻太相逼新恨壓沉疴

落葉

清秋眠不得如在惜花中落葉無人見閒庭清更空數聲
連蟋蟀一半是梧桐明日登高處千山路未通

百丈村卜居

載書旣無名位置山人居至戚喜我來百器具所需鄰里
喜我來羅致瓜與蔬魚鳥喜我來歌嘯豪有餘安知避世
者隱懷多躊躇濁酒曰忘藥斟酌得自如

平生拙謂工動取目前厄終夜紛千思安得頭不白南山
採黃精北山煉秋石草木愚古人來者何役役十年守蓬
茅神清顏悅澤靜者得長生保此旦與夕

灌園非奇行賢哉仲子妻今茲卜高隱同室有所携多病
煩藥餌多累空慘悽兒女身後事難易理亦齊冥漠不罪
人及汝青春閨推牕摘梅子翠葉鳴黃鸝

家市如家山家山如太古不雨亦閉門久雨焉知苦故人
春風下華筵唱金縷憐此山中人孤往一無取習閒抑何
罷習勞抑何武久不厭寂荒形骸得椎魯

積躬鮮仁義安能托隱名破書不萬卷所難諱白丁况爾
正多事閉門一無成古人不相告去者多微情結宅萬山

下救貧言歸耕恩怨胥兩忘庶用全吾生

夏九歎

夏至前九雨作花至後二九消息早五日掀吹大水風三日叢生大水草野水四山奔一聲無數村落困窮島不雨復愁田苗枯既雨何爲驟傾倒九日十日非所知兒啼女泣不相保河上販夫擡米價山中富民守奇寶溪西人家沒爲魚死水死饑無醜好百丈山人脫粟飯一夜白頭雨中老不與汝曹填溝渠先恐閉門死煩惱

銅雀臺

用盡曹家八斗才幾多疑塚此荒臺一雙銅雀飛何處纔得澄泥作硯來

怨仙謠

月中仙人身姓吳磨斧砍桂靈根枯星娥割據小清虛露
華不飽銀蟾蜍玉京路險雲崎嶇黝龍謫鳳悲向隅神光
慘淡天何如

雙怨行

大姊愛郎鼠骨腴不能自寶千金軀疑雲隙雨天躊躇情
芽苗怨春花淪吳鉤雙舞紅墮瑜小妹憐郎才氣殊贈郎
十二明月珠阿母搜囊囊無餘洞房別養誰家姝星軒月
釐空奔驅鸚鵡語澀雕籠拘小翠脫毛饑啄魚風流雲散
悲歎歔阿姊貪嗔阿妹愚

新溪叔和子懷四弟詩叔僦居家陪耕田

勞碌休閒鬢絲偶留楮筆是愁資王符正有潛夫論杜
商元多憶弟詩湖嶽歸人終落雲林精舍舊樓遲阮家
醉叟能青眼南里清貧恐未知

胡澗村顏所居曰三非堂

何曾舉國一非之甚費揚雄作解詞天上謫仙多罰酒人
間謗客最搜詩不售馬骨由來駿自畫蛾眉肯道嫫我更
清狂兼潦倒蒼茫四十九年時

望夫石

一天風雨立黃昏塞北江南事莫論化鶴歸來棲不定石
無語處又消魂

趙趙二黎村徵士古青山房

背市繞芳陌山房署池亭苔草沐晨雨林巒首夏明濃綠
信可悅何以當古情我坐方窻開超遙亘碧城軍都蟠混
沌石色與天爭乃知嫺皇時有此積黛橫流君戶牖間落
君深酒觥十年廣文事夢中謝遙青今歸理釣竹一榻烟
嵐馨我亦倦游者就君醉雲屏

野老

此老原多癖相逢又覺癰病中狂較可貧到債都無薄俗
門交閉徐行酒畧扶看山經獨往莫道不宜孤

禽言

兒啼夜兒啼朝婦無乳婆餅焦

借穀行

借秋穀啾啾唧唧兒女哭眼見收秋熟不熟往時怨懣里
中豪今年閉門棄汝曹軀命不有何脂膏

雜詩

鳳飛何皇皇鳳鳴何啾啾奇雲謝苞彩丹穴生清秋竹實
不自飽採掇輸其儔所念在儔侶翱翔將同游

不自立根柢其何免雪霜枯藤與弱草援結終渺茫上有
秦時松蒼翠鬱春陽高柯一千尋樂汝道路旁

三十不能豪四十不能達早知浮動非已受沉憂罰積思
在肺肝積勞在筋骨前壯趨後衰歲月乃荒忽

百物素爲本顛毛胡黷先後天起渲染及老還故然我髮
既早白心華發清妍濁酒嘗滿樽安在愁所煎

鯢鵬果何修蜃蛤均墮落二氣元渾茫五行殊舛錯曠我
觀物懷篤我守貧學靈頑變蛟蛇屈伸聽蟲蠖

結友求下士結親求單門單門易固結上士難攀援况乃
生死判未免貧富分醴泉果何本芝草真無根

不受炎涼窘安知貧賤羞達士雖曠懷獨力難悠悠學書
久無得學劍將何求學算未必工辛苦爲遠遊

勞人無清夢百變落蒼莽有時同室人聯床聽悽愴乃欲
種夢因綺趣發天想美人蜃中樓縹緲斯神往

歲鼓歌

蓼蓼鼓十萬戶人色如土何人指定歲鼓名歲行無跡鼓
有聲鼓聲高蟄龍破雪驅寒濤鼓聲下小牕兒女喁喁夜

鼓聲疾債主冤家拔刀立鼓聲徐山鬼近人按人鬢一尺
鼓面風雷爭椎碎年華如流星兒曹無知鼓無情他年使
汝白髮生

汪魚亭來會塋趙山南

才人驅高軒顧盼生輝光人謂魚亭子顏色何悲涼三年
念死友灑淚霑白楊文章爲性命意氣徒激昂命曰生死
交所以心益傷南山一孔雀北海雙鳳皇雲中接羽翰同
鳴協宮商飛者歎已墜伏者何時翔我目覺愈昏視遠終
茫茫

訪湯慕韓前輩水南

水烟鬱平林中有幽人寄十年拜還賞一謁詎容易人生

無師承刻苦果何至君耄我早衰忽忽恐兩逝星落渺蒼

波星沙澹夕吹

先生秉鐸瑞昌時予客湘中

枯蓬不得轉一壠亦憔悴

君如還山雲松石洽元悶我如寒谷泉泉涸流不出秋蟲

栖草根唧唧呼其類仰聞鵲鶴鳴清露同時墜里閭難自

匿介詩屬家季便面宿流盼知否關心記

先生嘗於向一三弟扇頭評許

拙句知已之感一紀于茲

豆棚晨可剪卮酒載孤意渡口迴南薰衣裳

吹薜荔

過胡湄村不值登南臺却寄兼柬趙西堂前輩

臺

趙讀南

主人約客桐陰醉客來主人醉何處有客有客客當主留

客不住主亦去

半西魏氏喬梓訪湄村同時及門

塔巔綠樹懸秋風南臺

片石盤江中白水西來但東注砥柱不道無寸功人生盛
名準篤義誰能與世隨污隆古來悲歌行路難出門蜀道
交八通美人自驕蛾眉好漢宮姊妹難相容陳餘張耳義
刎頸劍光凌亂華筵終在雲爲龍泥中蛇千秋指摘歸途
窮雙扉鑄鐵百無事風雅之道穹以隆君不見南臺之上
山巔岷南臺之下水潺湲中有先生號古頑烏巾折角琴
無絃著書久欲逃人間夕陽渡水暝天色唐突高人不可
得明朝載酒揚雄宅來約主人出爲客

白髭

纖髭亦何心星星使我老僮者顛之毛援引相逢早方驗
授有時元霜夜中擣鋒鐏先試奇搜拔事窮討慚愧青銅

鏡顧瞻我影好我影顧我笑兩笑乃絕倒眼前年少人外
澤而中槁求茲蒼然莖渺如種瑤草冥汝出世懷養汝華
身寶酌汝忘憂觴焚汝苦吟稿二白何負人偉矣商山皓
微生匪金石少壯詎長保悠悠安可知庶幾聞吾道

人會城寓示叔二韓兄肇州弟聖宏步青

華省會寶興文士如赴的中自有白頭翁三年已休客日以
饑驅來不改憔悴色有酒嘗滿樽同此家人席獨鶴亦皎
皎白雲其窟宅朝隨孔翠飛顧影自惶惑稻粱非所謀虞
羅免相逼素月振清唳羽人聞太息豈無湖海羣相思滿
南國

贈唐四惟一

驚駘隊隊欺驪駒燕雀紛紛笑鴻鵠五陵年少思胡縷肯
住山中飽脫粟灌嬰城下車轡轡一官屣脫留清貧匣中
寶劍藏不住手持肝膽贈故人問君生事君不應藥金多
同酒家盡酒闌燈炮擁書眠雙眸直挾諸家病相逢相顧
髭如雪我發浩歌君擊節歸去來兮南山南趁墟晚美三
溪月

石梅歌

長沙城北關壯繆廟座下石紋理古梅一樹

羅浮山上梅花嶺梅花照石石不冷吐雲吞雪芳意多孕
玉胎珠暗香引春陽之精劇氤氲先天後天不記省三千
年來梅子熟饒煞道人破丹鼎是誰揮動祖龍鞭驅上南

天祝融頂好事人移响嶸碑物色更及瓊瑤品湘江帝女
採寒芳露面韶光動妍晒二十四絃譜霜月迸出幽魂歌
意領竈工五丁不敢鑿皇禍于磨出光燭死根活幹虬孤
蟠長枝短梢鐵交挺帶烟帶雨花有無落片似逐東風紫
畫家畫梅稱上乘對此天然筆難逞尊直拜米元章守
貞不嫁林和靖漢末天人起睥睨虎踞南枝霸天景本來
義膽與忠肝如鍊如石冰心允端溪金星但作硯點蒼雲
樹堪爲屏神物茲屬造化奇何論相見小巫窘大方尋丈
不等閒列架當在芙蓉省天寶高陳鳳彩飛物華平射龍
光騁乃今位置几座下大辱泥塗劍埋井間人伏行就石
眠游夢娜嬛不求醒我一歎詫山酒後石與梅花同耿耿

抵長沙送同事及兒子節墀往湖南北

四月晴和定百花開落休故人惟岳麓失意滿潭州懶散
雙蓬鬢流離兩葉舟後生喜磨煉不合在初遊

湘江雨後效長吉體

黑鰲驅雲雲不藥若梧天入鴻濛始皇媧抉石剝落紛打
雹打冰殺龍子大聲小聲出江面白頭水立瀟湘起長年
號啼腕骨僵舴艋舳艫戰蜂蟻蟬蛇掣弄妖眸光瞥見靈
均逐山鬼禹王詔衛岫嶺碑豐隆一研陰崕圮銀盞不滴
軒轅宮羽人坐守封姨死千乘萬騎歸團營鼓歇金停勢
如此天吳餘怒擊空明星紋縐織迴波綺巫陽神女夢中
歸明環直墮琉璃底湘娥轉愁七寶床錦瑟斷絃裏纖指

登岳麓達極高明亭而止從數子尋萬歲寺雲麓宮

還舟

登高了重九萸茗出佳從洲渚泛重湘坊門始迎送複聞
豁離立中衍逐飛檣堂皇見文雅蒼莽上秋空三亭兄弟
亞接其叔與仲極知最上巔神器難玩弄龍文定天地闔
蹟漏禹貢下移峒嶠峰永爲茲麓重胡爲寶山行撒手廻
倥傯人情半勇怯一沮羣情中自鮮濟勝具鼓舞不多動
雲霄進革履歸路莫使其崙呀嵌招提檜門恬雙棟獨兄
伏蟠虬亭午鶴同夢道院別開鑿怪石列天供亦有磨崖
書濕氣墨光滂百泉流莫奔霧引風還控磴道屢陟降袂
勢迭搯縱援手落藤蘿重趾破栗縫羊腸已度險方兄尙

堪用最後得陂陀溜如蛇出洞扁舟守江瀕臥眺翻長困
借問杖頭詩零星未成詠登峯不造極去住心交訟曰留
一片石以爲後遊種

贈江雲禪師

洞庭之濱縹緲樓樓上流雲上僧榻老僧衲衣抱雲眠衲
衣如墨雲如雪樓上白雲閒不飛樓下濁塵滾不歇閒雲
俗客兩無情去樓三丈乾坤別西江釣叟負琴行方外松
雲重繆結何者十年上江樓不識山僧是詩傑八扇楮屏
畫秋山一蟲一鳥眼光瞥迴廊夕照將霞飛斛大兩字亦
奇絕岳麓釀雲雲質幽湘水浣雲雲體潔招雲下樓與雲
語客意雲心同瑩徹片雲便可持贈人不許山僧自怡悅

凭闌

閉戶還江上開樽亦枕邊
小闌留剝落倚我輒遷延
幾點雁飛處一方秋惘然
家山樓閣悄同此望中天

古邊怨湘潭作

帶得蒲桃內地栽燕支山下莫重來
麗姬已遣圖難改名馬無蹤市在開
使者但知持漢節將軍猶白舞輪臺
長城舊是秦皇築一寸傾頽一寸灰

紅樹

西風下衡嶽秋色滿湘南
柿葉與楓葉如花紅不堪夕陽
連浦上清角戰霜酣孤客憑樓望
飄零事所諳

相思曲和人

我思君未思君非路旁草我思君亦思相思同時老
人道相思長我道相思短長短復相思莫使相思斷
故人來無期相思重重積故人來有期添得相思劇
相思了無益不如不相思不思不容易相思不自知
古人相思死今人相思病約定相思人千秋一同盡

蘇丈扇頭咏苔詩甚工潭人作也和之

傍得山隈出水涯花陰斟酌放芒鞋退紅已盡都無路靜
綠相延更上階不掩雲心生片石分明鶴跡過空齋陟釐
名紙三千幅劃動孤筇破錦懷

市有檻虎觀者人索一錢以詩惜之

虎子亦錦毛牙爪弭其疏野性何時馴剛柔豈閒道猛士

落頓沛骨氣尤排寡可殺不可辱千秋此懷抱如何百獸
王貪茲鬻肉犒一錢已至微叱指再舞蹈弄猴緋乃衣春
狗殺其帽逞技非甚神不肖名所冒寒風生市圈嘯夜一
悲悼

又有鼠甚鉅亦索一錢於觀者

一錢看虎南市邊西頭看鼠亦一錢虎鼠同價非物情虎
小鼠大皆可驚虎小不至鼠鼠大不至虎壯夫看虎虎叫
苦小兒調鼠鼠何武鳳皇不入朱門飛鸚鵡雕籠生光輝
人生遭遇乃更殊看渠骨氣先何如

漁村夕照

逐浦移家百箇舟水村楓葉荻花秋賣魚歸帶葫蘆酒一

杆斜陽網未收

遠浦歸帆

極浦長天一葉飛夕陽江面正霏微
湘中少婦當樓立指
定雙帆蕩子歸

留別岳一大兄

橫笛瀟湘候酒酣歸舟兩兩客三三
羈愁御與君消受一
夜秋風楚更南

後一夕
立秋

古意寄惱劉荷闌歸自藍山

孔雀圖屏琢雲母小闌紅豆調鸚鵡
美人簾外悲落花一
覺飄零夢淒楚蛾眉婉轉依向誰
鈿車暮入芙蓉府使君
有婦華堂春何用羅敷事歌舞
鴛鴦枉繡他人衣剪刀牙

尺夜辛苦蒼煙慘淡九疑山不是藍田種玉所雲英鼓瑟
茗華宮誰爲元霜覓瑤杵闌珊花月夜幾更枕上聲聲聞
杜宇鄴湖淥水奔蘭橈大灘日夜惡風雨渡口石人望夫
心倩女離魂對愁語

友人寓樓

鍵戶有闕出支筇無別投碁輸亦可喜酒病不關愁秋水
如懸畫夕陽同下樓十年清絕地先汝習淹留

六弟錦周姪鴻建斗華曾甥周會嘉同留大甥竭
穆齋學署

百種心中事經年客裏人寫書頻擱筆望遠莫霑巾華髮
乾坤大空囊面目真聯床風雨夜還是一家春

信州逢蔣莘翁中書令兄士鏞秀才

寒月不肯晦清露不能熱風吹獨鶴暖夜半空山裂鳳皇
非儔侶應聲出丹穴古人重神交此意遂如結西江四才
子蔣趙爲詩杰三年未謀面啾啾怨離別再有簾葭思却
爲野人發野人出勞生聲華况銷歇一曲梅花吟林莽載
激越江山非綿渺裘馬終濶絕瓊花澀不開玉樹摧以折
華者非辱金黥者非頑鍊所知骯髒懷動擊唾壺缺冉冉
五雲中拜筆趨天闕潛夫歲云邁羈栖墮奇節來與難兄
遊剖此一腔血

白鳳篇

白鳳燕京麗人也孝廉某娶之棄而浪遊鳳不能

自給謀鬻身爲張千戶妾下與號泣長跪乞爲女
張不能奪竟載之南求孝廉而歸之孝廉者素不
檢所遊止輒買小青去則棄之不顧

白鳳不粧淚如雨自行拾薪汲寒渚千金賣身身不許不
爲君妾爲君女羅敷有夫去還楚棄妾路旁等塵土嫁雞
逐雞翻難舉累君送女遠行旅銀屏亂點鴛鴦譜羈雌怨
入紅鸚語人間鴛鳥好毛羽莫願雙棲願獨處

章甫

甫字文升餘干人著有水村詩草

九月望前一日送仰文水歸南昌

倦客歸南浦空齋別思盈一樽開薄暮絮語坐深更林靜

蛩聲細橙香露氣清明宵江上月望望總含情

送張玉翎歸龍虎山

半落經春雨淒涼破夏吟扁舟看上水斜日到幽林鶴靜
空山月松鳴古洞琴他時閒禮斗應許我來尋

郡城卽事

入望澄湖照客愁離離芳草遍芳洲崢嶸甲第更新條
戒河山說故侯鴛坐桃隄空睨曉蜨飛柳苑漫句留憑君
細數當年事無限韶光付水流

秋日與會城諸友重過百花洲卽景追和八大山人
韻

子野同情喚奈何重尋洲渚瞰湖波蓮房粉落紅衣爭柳

帶風搖綠浪多蟬咽夕陽流畫閣僧來幽徑話烟蘿明年
此會天香發珍重題名好再過

江西詩徵卷七十六

江西詩徵卷七十七

南城曾煥賓谷編輯

國朝

曾 袞

袞字補之南豐人著有圭峯詩鈔

自古谿歸由桑田過竹山菴訪載月上人畱贈

荒荒上古村杳杳殘陽落陰陰屋後樹衆鳥爭所托行潦
咽空澗歸雲填洞壑萬物安其居我獨傷飄泊

行行桑田路一峯復一巒悠悠竹山菴一水復一灘不惜
百里程言尋舊所歡入門相獻酢一一遡寒暄松栢高千
尺薦蘿費攀援親友各富貴未敢相與言何當同世外寥

江西詩徵

卷七十七 國朝十三

一

落相哀存

偶賦

莎草塞蓬戶庭翠滴空雨晨起步里閭出門何踽踽短褐聊蔽身久自忘藍縷藍縷非吾罪市兒乃羞伍

造化如洪爐萬物歸陶鑄而我虛此生兀兀守章句上山採兔絲下山傷橘刺信非吾道窮避患無奇智

西方有美人皎如藍田玉金釧珊瑚釵繡袷芙蓉褥翠袖拂琵琶觸手成妙曲嫁爲師晁婦空房泣明燭雖有絕代容雙日不相觸

葉公好畫龍四壁寫鱗甲沙石走風雨雷電鼓鬚鬣須臾降蜿蜒滿庭爭震懼本以托意氣相棄不交曉

歸坐對妻孥攬鏡悲霜髻蹉跎負君親生我誠如贅妻孥
嗟我癡汝見不精細泥牛渡滄海身世兩無濟朝夕難自
完而爲百年計

盆松

虬龍怒欲攫降我小簷下倏忽風雨過閒庭正瀟灑我欲
招茅君叱咤化爲馬後先驂翱翔踏雪蒼梧野

訪隱者王翰題其壁

洪園先生年八十青瞳紺髮看花立有時移竹冒雨歸山
風滿袖雲滿衣喚兒攜琴換新酒月在天心杯在手醉來
不覺吟興豪包羅萬象歸含毫倦後黃庭經一卷紙屏石
枕隨方便不羨王孫公子家王孫公子如朝霞朝霞東沒

還西起眼看浮世長如此

湘江漁歌

破船孤入蘆花宿
晚汲湖光然楚竹
菖蒲發芽鱗正肥
簍衣常酒明朝贖
一杯一杯交歡屬
小郎扣舷儂唱曲
眼花落水鬚眉綠
橫江飛過雙鷓鴣

從姑山絕頂

上有飛鰲峯三
大字羅近溪書

鰲背盤空上超然
汗漫遊江分山色
斷天入水聲流虹
外半邊雨人家數
點秋下看石壁半
嵐霧結爲樓

麻橋

烟火成墟市洲居
四面山板橋行客
晚流水到門閒廟
古高松覆沙回細
路灣覓詩因訪戴
踏遍野雲還

百丈嶺絕頂

汗漫千林外微茫四望中
亂山圍綠野遠水破青空
海盡吳雲接天窮楚塞通
豪吟當落日輕袂忽凌風

天心堂題壁

盤湖嶺絕頂

一路冲雲竇天門獨叩關
日高孤鶴起雨過遠僧還
野水自流竈寒鐘不出山
倚欄吹鐵笛聲墮白雲間

偕族姪渭庭廣教寺前溪坐月

偶然赴林壑野興欲孤飛
夜色不可掬月明空在衣
但傷來日少豈惜知者稀
與子同今夕賞心良弗違

西郊

愛閒刪萬慮信步登高原
自覺性情在深知天地恩
松聲

山谷響 卷十一
答谷響 日色紫山痕靜與拙者稱邱園良獨尊

趙大勉哉謝大愧予過我西郊草堂步韻寄胡湄邨
近圃昆季

山居似寒食日日減厨烟掃葉高松下疏泉碎石前貧無
嬌女地間是老夫天商鑿東鄰壁分光草太元

登西山口占

莫登高處望高處轉山多落日不我與浮雲奈若何寄書
方歲暮作客又春過只道終軍少流年一擲梭

寄懷武寧汪魚亭南城陶栗亭

秋高河漢迥落落數晨星山雨林間葉天風海上萍出門
雙眼白隱几一燈青無夢到君側常時怨獨醒

送外弟李某遠行

道路誰憐爾朝吳暮過秦
瘦奴甘後馬饑鳥強依人
不下英雄淚漸爲骨月親
倉皇更何處滿目是紅塵

寄懷汪魚亭楊子載

花落鶯無賴春歸我獨居
故人千里外新月五更餘
修水黃梅圃東湖白藕渠
杪秋過初夏不見一行書

謝處厚先生墓

一代文章草一邱丹楓黃葉響清秋
西山霞映南山日小澗雲添大澗流
詞客不知亡國恨逸民空抱杞人憂
臨安宮闕烟和雨地老天荒此墓留

益藩故城懷古

獵獵朔風吹暮笳一朝羅綺化烟霞寒山過雨轉蒼翠野
水到江翻白沙廢殿鶯啼秦苑樹荒衙人折漢宮花不須
細數前朝事舞榭歌臺今種瓜

訪隱者不遇

路轉風迴夕照間問津知在蓼花灣初行一里酒方醒纔
到半山心便閒荒圃種蔬秋未老柴門臨水晝常關綠荷
包飯耕雲去悄悄松陰望鶴還

過漪翠園寄懷桐城張明府及方先生

張公諱若涇字徵遂南豐署令今復任崇仁司馬
方先生諱世復字還初年七十餘善詩

小閣長廊閉夕陽燕過秋社有空梁三株臥柳斜臨水

面遙山高出墻阮瑤歸川石榻冷陳蕃罷府竹樓荒碧紗
已被留題處今夜月明吟正長

送謝退菴往閩

百丈嶺頭岐路辛蠻王洞口鷓鴣頻礙橋惡木不通馬
插澗奇峯欲攫人雲谷想同今夜月樵溪應隔故園春泥塗
莫折東山屐且得題詩遍七閩

內人斜

綺羅化作四山霞宿草離離日欲斜宮女不知身是夢還
將春染杜鵑花

珠娘墓

鷓鴣啼處鬼燈藍喚起春魂三月三花落花開寒食夜五

更風雨望江南

武陽渡

江水白泱泱孤舟泛夕陽岸迴津樹合墟散野祠荒心事
五更雨功名兩鬢霜莫依閒處宿鷗鷺笑人忙

家聲周過訪

荒蕪三逕滿貧病二毛侵山月靜復靜溪雲深又深松間
聞犬吠竹裏對蛩吟爾亦相忘我無絃壁上琴

竹枝詞

南岸桃花北岸紅東家楊柳西家風牆頭少女鞦韆上牆
外冶郎雙眼中

書巖

鬱鬱荒階綠未除
洞門烟斷夕陽墟
月中榻冷橫琴後
水底雲濃洗墨餘
禾黍秋風人下馬
池塘春草鷺窺魚
壁門苔占畱題處
不見新安舊日書

杭漱亭

捫壁攀蘿路九迴
芒鞋蹋破白雲堆
輕雷迸石雙泉下
深洞臨溪一徑開
鳥倦送歸山角日
鐘寒催放嶺頭梅
碧幢終節今何在
渴想麻姑酒一杯

謝本量

本量字尙容號退菴南豐人

擬塞上曲

秋風吹起邊關月
可汗年年犯宮闕
黃沙白草馬蹄驕
老

戰沙場無健卒拔刀飛馬冒嚴霜角弓絃斷力已竭閨女
不知沙磧怨家家砧杵無時歇

懷仲兄山輝客蜀

不忍經年別翻爲蜀道行家山一萬里猿狖雨三聲路險
悲天地更深憶弟兄夜來無限意飛過漢陽城

遊青雨巖同余聲谷家醒菴僧大癡作

爲訪世外侶來尋天上石直到古松關石磴不容屐千洞
萬洞勢莫狀混沌曾經誰手闢危橋架空濺飛泉鳥道千
丈險行迹上有虎豹之咆哮下有蛟龍之窟宅鑿空深窅
楚王宮四顧無天一絕壁樓閣欄檻撐石腹伸手磨天天
咫尺拉僧直上剪雲巔摘星忽欲翻六翻少頃雲巖漏明

月照見山魃與木客吁嗟乎天地怪幻無時無我來正見造化生奇特

送伯兄愧于之饒州張大夫幕

丈夫鴻鵠志不用惜分飛自是驅衣食何能老賤微江風催晚棹春柳送斜暉好詠芝山月鄱湖共載歸

寄南城陶栗亭

片雲天末歸明月生遠樹下有素心人相思隔日暮憶昔離別時褰衣旗亭路一步一悲歌登車復返顧深愁愁不知蕭索初成句荷葉綠滿池裁成代尺素

見月有懷蕭五育偉

見月初驚喜懷人愁上眉三春遊子夢一夜落花知病醉

多非酒傷脾半在詩飛鴻千里斷何處寄相思

留別盛于埜夫子

江水千尺深旦暮流不已一掛秋風帆離愁從此始沙洲
生白蘋幽谷閉蘭芷草木託性情吾生將安底何日字雲
巢泉石相料理

秋夜偶吟

總爲浮名累空勞扣角歌天心全幻化人世盡江河敲月
酬新句傾樽弔逝波秋風吹徹夜歡會幾時多

秋塞

鴈歸不少待秋氣滿關山今夜悲涼月照人生死顏黃沙
驕戰馬白露濕刀環何日樓蘭斬將軍命賜還

秋閨

桃花紅爛漫是妾送行時今夜閨中月照儂別後思秋聲
邊露白鴈盡塞衣遲非作征人婦此情良不知

月夜懷仲兄客蜀

天涯迢遞少音書鴈過無聲淚滿裾白帝城邊鄉夢繞烏
沙灘上馬行徐傷心總爲謀生拙遠客應憐病弟疎料得
淒涼今夜月平分兩地照欷歔

寄陶栗亭

鳥飛落日外人坐晚花陰祇恐徘徊處終傷遲暮心不能
忘市井豈是愛山林杯酒成孤酌白雲深復深

剪雲峯絕頂偕十四弟寅初作

巖穴奇今古平生此度遊
天空不見雨山靜似高秋
響壑疑人語飛泉破石流
夜歸猿鳥盡明月滿樓頭

客南州僑寓魚亭值主人汪堯舉未歸

秋風不可已落葉滿柴扉
遠客來投舍主人猶未歸
寒蟬依樹咽饑鳥傍簷飛
池上看明月闌干露濕衣

題南昌楊子載湖亭送客閣

楊君天下士愛客重分離
寫此滄波影真成去住悲
寒烟極浦合落日暮江遲
握手依依處秋風又送誰

拜李鳳山將軍墓

蒼莽荆榛勢未分
元黃血戰死將軍
陣前金甲銷兵氣
閣上烽烟哭野雲
匹馬孤魂忘骨肉
百年此日拜邱墳
草深

華表青苔暮鶴唳風聲不可聞

寄陶四栗亭北上

北風正蕭瑟之子促征鞍不信別離久恐傷行路難故交文字賤名士酒腸寬此去燕臺上春花走馬看

蜘蛛

蜘蛛生簷前日日張網羅心絲抽已盡去日苦云多嗟彼窮簷下天寒奈若何

寄南昌葉鏡禹

遠鴈何由寄寒燈獨自親感時傷寂寞念子亦艱辛愛客難爲主工詩不療貧眼前又歲暮尙有未歸人

寄湯慎廬

何當千里別又寄一緘書獨夜愁明月孤燈破索居交情
常念汝旅夢肯憐予誰使心如結臨風懷慎廬

病馬次鶴汀聲谷諸子韻

中原黃草盡何處得身肥伏櫪不千里長城空百圍心衰
筋力賤恩重死生非他日燕王市誰能裹骨歸

贈別湯洛菴

萬里陽關客蕭蕭匹馬飛風霜衰旅鬢星月老斑衣別夢
枕流水家山坐落暉瀾陵橋畔柳春色怨芳菲

送別宜黃鄒裒露山人

野店一樽酒依依送遠人先生多古道我輩愧家貧歲暮
難爲客天寒念老親明朝風月下應嗟別離神

別李丈少蓮

豈必成都市方傳賣卜名行藏羞我輩遇合惜先生伏櫪
窮千里愁吟坐五更明朝分手去不但別離情

採桑

採桑復採桑採桑不盈把日暮春風吹日落前山下

聽劍水一鉢上人彈琴

山僧鼓素琴坐我喬松陰絃聲怨幽獨明月生空林了了
蟲鳥意泠泠山水音一彈復一鼓悵然秋風深

同平松莊家漆園半廡話舊兼寄劉先民昆季

十年如昨夜相見動初心世薄交難固天寒月易陰深山
多不俗別酒莫辭斟若有結茅地招予上野岑

旅病寄菊社諸子

已共傷飄泊何當病復侵
燈昏疑近鬼山暗有來禽
不到悲酸處誰親鄉土音
烹茶聊自進莫只苦哀吟

秋日登程山感賦

極目蒼涼地秋風掃故廬
先人一片石此日半園蔬
心事滄桑外生涯薇蕨餘
欣逢全盛世快意讀遺書

謝鳴謙

鳴謙字愧屋南豐人著有非我齋集

白紵扇

炎熱復炎熱蘊隆何蟲蟲
化作白紵扇爲君生輕風
永矢弗間離奉持著心肖
君情妾所悉妾德君所鍾
棄捐豈君

意天道有秋冬

贈別

歐冶曾遺劍干將舊有名龍雖埋地下光已奪星精每到
萬難處能令百感平離筵一樽酒撫汝不勝情

雞鳴寺

臺城已荒草同泰尙層霄古木開靈境疎鐘入夜潮萬家
烟樹合極目水天遙太息蕭梁事春風空寂寥

謝鳴盛

鳴盛字際中號醒菴南豐人

鏡山高

鏡山高飛空拔地干雲霄風雲吐納雙珠跳無諸遠來飛

金鑊仙家一夜開紅桃鑊山高

春夜獨酌醉歌靖節飲酒詩天中明月照余襟影樂
莫之已爰步原韻

我有山水癖閒吟不好喧出入白雲中焉知居住偏明月
在庭樹春風生遠山飲酒適所好獨往而獨還永懷山中
客余情安可言

登南山

愁邊看落日有興且登山天地多晴晦風雲日往還古人
不可見世事獨相關感此臨高望難窮六合間

送別胡近圃

謀道竟何爲逢人莫賣詩賤貧原有分天地豈無知留得

寸心在行將千載期余今亦遠出相送倍相思

迎郎曲

并序

閩俗嫁女之家先五日迎婿於庭宴三日既畢且裝奩結彩幌鼓吹輿馬送之歸

丈人愛佳婿迎郎五日前口與姊妹語心與郎周旋
出我鴛鴦被裝我綺羅衣足不送郎去目以送郎歸
歌管聲悠悠郎上紫驊駒金釵一十二挽髻自梳頭

山中吟

清霜皎皎下秋林月明時照歸飛禽銀匣金鳧空謾募奔
魍走魅無知音靈風射骨冰鑠肋魂號魄呼羌嶽岑剩將
子孫一拜揖何曾收拾牀頭金人生有酒莫辭醉上山下

山且開襟

題朱義士墓

并序

明正德辛未歲廣寇犯豐義士糾義旅禦之不敵
爲所執賊壯其貌欲降之不屈死今辛未二百四
十餘年我輩廼得於蔓草中視其碑碣而知之也
悲夫義士名銓字振衡萍邑東鄙一都

荒烟蔓草雨迷離二百年來剩此碑肯以干戈完大節竟
將姓字隱良時史書不見旌忠筆我輩徒成弔古詩當日
亂離多少事泉臺抱恨更誰知

歲寒

凍雨嚴風四壁寒
村村社鼓歲將闌
儒生未敢思溫飽
草

野空知感治安市井無烟珠履貴蠶桑有實菜根難最憐
庭樹飢鳥下毛羽離披不忍看

閩中寄季弟鳴旦兼訊長姪宗縉

既已貧如此安能惜苦辛諸兄皆萬里誰與奉雙親涕淚
寄斯語艱難重汝身喜兒宗縉小名休令懶早晚望成人

遊鳳山寺限韻

此間幽徑好四面見青山春去落花靜風吹遊客閒元猿
啼鳥道白日下雲關俯看來時路一溪流水灣

余韻

韻字寄山南豐人著有聲谷詩鈔

麻姑仙壇

仙人不可見稽首謁荒殿殿中何所有山深雲一片

望月寄黃鶴汀謝寅初

此夜難爲月蕭騷夢已寒片雲歸木末踈影上闌干酒薄詩難穩更深燭易殘孤松多遠思默望夜漫漫

怨別曲

明月照郎行餘光到妾側共此一輪月天心分南北

琴臺懷古

伊人不可作白石自年年以此尋幽跡因之感變遷雲浮流水外山斷夕陽前今古茫茫事秋風吹暮蟬

採桑謠

春雨沃春煙綠山山樹鳴鶯鶯提籃墻下攀桑木噫吁嘻

大蠶小蠶餒其腹無絲何以易斗粟

同菊社諸子城樓步月限韻

雲薄月初上山橫遠木平竹溪歸鳥影草徑出蟲聲自覺
多愁病誰能共死生乾坤無問處河漢隔荒城

春夜與謝退菴對飯

對飯一燈清瀟瀟雨不成春從前夜立鳥是舊時聲有酒
詩酌債無花月定情年年寬母念何以慰生平

峽猿啼

峽猿啼煙雲迷玉環死明皇歸

送袁青圃歸劍水

已是風霜苦况逢遊子歸晚山窮鳥入秋水斷雲飛心事

雙蓬翥功名一釣磯江干今日別黃葉下征衣

繩金塔

孤高不千仞盤鬱已干霄半壁東南日三江早晚潮殘碑
青草斷古閣暮烟消誰灑六塵淨狂歌出沅寥

趙鳴鸞

鳴鸞字勉哉南豐人

嘆君嶺

并序

宋隆祐孟太后以靖康之難出奔虔州經南豐駐蹕
覺源寺過嶺而嘆故名

複嶺曾經翠輦過亂州衰草夕陽多南轅不盡西風怨二
帝其加五國何雜沓金戈馳禁苑倉皇泥馬渡江波

幸有回鑿日史刪傷心只議和

揭鳴鸞

鳴鸞字晴村南豐人著有近圃集

送黃鶴汀之玉山學署

之子無家別囊粟就冷官老憐人事拙貧耐客衣單桐葉
驚秋早楓林落照殘長亭征雁急砧杵一聲寒

揭鳴鸞

鳴鸞字蓮渠南豐人著有廬山吟

登遠到樓和胡派五原韻有懷同學諸子

騁目闌干外蒼茫見九州夕陽沉古樹秋鴈過層樓心事
隨雲轉萍根逐水流伊人在何許月出露光浮

黃松

松號鶴汀南豐人

初至懷玉學署與協菴夜談分賦

破帽行千里秋風載好音
數聲啼鳥靜滿院落花深
客醉看孤月官清有一槩
儘教人世幻吾輩得閒吟

舟過郡城

望裏蒼茫思青雲出石頭
人家千樹雨天外一峯秋
寺僻踈鐘遠舟輕客夢浮
篙師不解事笑我抱空鉤

胡蘇

蘇字介甫南豐人

送趙勉哉之汾陽卽次其留別原韻

尺書稽已嬾去植又江濱各自傷春色相思悵遠神詩書
悲老大道路闕艱辛此別汾陽夢孤雲芳樹津

譚經

經號未齋南豐人

西城步月

涼風吹月上秋氣滿天涯枕石聽流水飛螢動落花踈林
漁火滅隔浦雁聲斜短笛高低度城頭第幾家

湯志倣

志倣字右思南豐人

萍江舟中書懷

始別秀江船更涉萍江阻萬疊越雲山雲山莽迴互楚王

得萍實傳聞於此處霸氣何黯然西風香水渡江濶暮帆
遲天秋孤雁度日極楚風濤鄉心斷烟樹邂逅萍蓬間依
止相朝暮那作秦越看四海一親故茫茫廣州歲悠悠禹
亥步時哉不可期聖哲久行路

涿口述懷

沉湘十日風舟浪苦掀簸晚愛涿江涿凝湛不忍睡迴然
淩倒景澄心超堀堞山近岳色秋際曉涼雨過東旭盪崖
壁叅差儼廬舍雲中雞犬繁屋角桑榆大頃者武陵溪歎
悔塵途駕桃花坐笑人年命豈相假咄咄易傷神計欲全
杯竿矧茲釀泉名醅醪香可貴癡待官事了誅茅楚山下
臥師吏部公魂夢酣芻醢

危桃

桃字會芳南豐人

舟夜念家兄萊村信不至

孤艇殘燈夜人家盡掩扉秋風吹客夢寒月上征衣野色
江波靜鐘聲嶺樹微永懷千里雁吟坐釣魚磯

旅次

積雨晚初歇秋風何處砧一林新月影千里故鄉心衣食
平生累風霜客鬢侵途窮誰可仗脉脉憶知音

解友梓

友梓字慎木永豐人官南城教諭

遊麻姑仙都觀

江西詩徵

卷七十七 國朝十三

七

出郭穿樵逕盤空上秀峰雲連秋後寺壁立古時松密竹
藏金像迴流襟暮鐘言尋幽絕處可有舊仙蹤

謝于誠

于誠字汝恭永豐人

過普賢寺至教堂訪壑雲上人遇

黃昏入古寺月到上方明不見老僧影但聞清磬聲經年
爲客倦復此竹林行曳杖還惆悵誰知孤坐情

別李澄思

斜風細雨暗征塵曲裏關河唱不成兩岸草痕餘別淚一
闌花韻寫離情殘春心事生涯薄久客行裝結束輕折柳
橋邊重惆悵橫烟漠漠鎖孤城

萬化成

化成字平川南昌人

古意

芝蘭翳蔓草乃至深山側
樵牧時往還相遇不相識
采蘭可爲佩采芝可爲食
世有有心人毋爲長太息

西水驛

西水驛前烏亂飛
落帆亭畔月光微
停舟一問裴休宅
華表千年鶴未歸

渡揚子江

濟舟誰作楫吾道竟乘桴
江挾潮歸海山驅水到吳
乾坤雙眼白身世一舟孤
汗漫尋前跡東遊入鑑湖

江西詩徵

卷七十七 國朝十三

六

闔閭墓

吳宮花草莽邱墟白虎金精弔闔廬雄劍三千埋未盡屬
鏤遺恨滿姑胥

塘栖

語兒溪上暮雲低野水重湖路欲迷行過落瓜橋畔望青
帘斜颭認塘栖

病起

藥爐茶竈鎮相依滿院殘紅逐雨飛羞殺梁間雙燕子春
來猶見舊巢歸

李景修

景修字永文南昌人著有雪亭詩鈔

村郊晚眺

暝色依村徑斜光到水邊
鴉翻殘樹雪人語斷橋烟織月
窺新閣孤星繫暮天
閑花飛不定惆悵晚風前

江上送家兄學峰之江南

斷雲空外落山映夕陽明
老樹連秋閣長江抱古城
人依征夢遠天與放舟晴
好向金陵去芙蓉處處生

呂亭驛

望裏人烟近行行尙古原
馬經殘雪路客到夕陽村
苦竹斜穿徑寒花直映門
晚來簷影落蟲語逼燈昏

同楊子載登繩金塔

同是悲秋客離愁那暫寬
夕陽千樹老疎雨一城寒
莫唱

江表言卷一
陽春曲應歌蜀道難幾時天路近搔首白雲端

儀徵雨泊

雲暗帆初落江鳴水急流孤篷千里夢寒雨萬山秋往事
悲殘壘浮生愧野鷗那堪燈火夜辛苦話涼州

葉宏世

宏世字鏡宇南昌人

登繩金塔和汪魚亭韻

憑高一眺望天地正寥寥水落灘聲緩風吹草色消雲中
無過雁山外有盤雕白日當西下河流轉碧霄

李鍾瑚

鍾瑚字拂珊南昌人

別呂觀國

執手與君別蒼茫路向東寒生三月雨春老百花風古驛
人烟斷深山鳥語空不堪回首望猶有未歸鴻

舟泊三村

風到晚來急征帆尚未休落霞飛遠浦孤月照行舟秋信
看黃葉閑情向白鷗可憐今夜泊搔首不勝愁

宿問香樓

寺古雲生戶山空月映樓坐看千嶂碧閑對一林秋野火
明還滅寒泉咽復流禪心渺如此小住亦遲留

荅涂致遠

尺素情何限寒光落酒罇片雲依古樹斷雁入孤村愛讀

中宵句空驚遠別魂殘陽天外盡新月上黃昏

山中友人留宿

地僻來人少山空秋氣深那知千嶂夕共聽一猿吟孤館
臨幽澗寒鐘隔暮林更憐蕉葉雨滴碎故園心

徐 炅

炅字藻川南城人

南城田家

二月晨鳩鳴綠野暗春雨老牛驅下田小牛隨食乳爲君
苦力作復爲育男女食租恃一身那敢恤筋膂夕陽在西
山寒風吹野土三冬不雨雪寸寸皆辛苦

雜詩

鴈鳩競腐鼠雞鶩爭稻粱紛紛竟何似貴賤同旁徨造物豈無謂志士貴自強蕭蕭秋風至搖落歎衆芳榮枯了無異草木摧肝腸

松柏不盈尺已有歲寒姿衆卉未堪伍東風豈所知糾結若虬龍千霄無曲枝繁霜被艷冶寸心寧忍期

春日齋中讀書

春雨夜來急松徑綠深沉不忍刈幽草恐傷春風心盡日無潮啄鯁汲古可尋齋居更誰念相思結瑤琴

劉匱謚

匱謚字創堊建昌人著有毅堂詩鈔

秋夜與賴牧亭話別

北斗星廻月照殘西風黃葉下江干城頭鼓落秋聲壯閣
外霜飛夜色寒千里謀歸君獨早一堂話別我尤難書生
事業名山在去後韶光仔細看

汪德鵬

德鵬字程萬宜黃人

耕夫謠

我本躬耕人幽居傍林谷有田十餘畝屈盤山之曲日出
荷鋤犁日入隨歸犢豆苗及時種環宅蔭桑竹荆妻勤饁
餉稚子慣無牧往來謝車騎婚嫁無飾服流水澗中歸白
雲簷下宿春冬殊節候哀榮依草木千載江湖心識分吾
自足

黃賢珙

賢珙字繪蒼新城人

感興

徘徊青松林喬柯白蕊鬱女蘿引柔蔓乃與青松結本非同根生綢繆亦何密金風江上來松高不復恤云胡當春榮因依仍昨日眷言萬物姿勁弱殊天質托身雖得所時至坐相失感此傷予心營營復奚益

蔣謙

謙字繡躬鉛山人著有樵雲草

初秋晚興

幽居易懶散世事一無與西風正晚涼睡起向誰語空庭

暑漸收遠山月初吐仰視浮雲忙俯矚流螢度物理自可
悅聊用慰吾素小立倚柴門一聲飛鳥去

擬古

昔妾未嫁時相依惟老母二十猶不足爲君執箕帚在家
固爲女出嫁已爲婦如瑟復如琴如賓亦如友感君珍重
意不敢矜所有明珠待君開白璧從君剖婉婉及良辰方
期永白首三歲未周全君忽求他偶故人士如面新人玉
如手妾貌豈就衰君心實難久生爲薄命人捐棄亦甘受
事君不能終妾寧不自咎垂涕語新人但願長相守

桃花開路旁

桃花開路旁狂風不忍飄盈盈十五女相對知誰嬌

解女

兒自云嬌對花相憐惜歸去臨粧臺忽將明鏡擲

解二女兒

路上行桃花路旁開花開當春日女大須良媒

解三花開幾

時好女大亦易老珍重惜花人采摘宜及早

解四

夜坐書感寄汪魚亭謝非我徐藻川

百物在世間位置各有所馬自効疆場牛自勤禾黍乃以儼然人而不爲物伍垂老一無成天地何生子中夜起徘徊攬衣尋復處念此七尺軀行同草木腐流螢尙有光螽斯亦有股閨閣不自彰默然當誰語有鳥止屋隅脩脩刷毛羽引吭自悲鳴聲聲同我苦

昔者陳阿嬌艷色驚三春漢帝貯金屋寵愛在一身寵極生嬌妬長門遂沉淪癡情不能已買賦金百斤豈惜金百

斤恒求重君恩舊恩雖已舊新恩還欲新人生負殊異豈
得長如意一夕蒙君恩此生願已遂縱使貌常妍寧保情
常堅今日卽見棄前日曾見憐亦有顏如花三五出良家
不識君王面零落空咨嗟

吾慕顏子淵天懷自浩落屢空常晏如悲歌永不作夫子
何能爾家有田負郭救水可養親乃克甘藜藿無絲苟東
餒視之豈漠漠此時言無憂子道母乃薄先養而後教王
道有裁度聖賢亦人情謀生寧必忤至味已厭飫卽憂卽
爲樂悲憫有時深俯仰殊自若並行原不悖戚戚何由託

相見坡古意

昔見坡頭相見時暫時相見卽相離人生安得長相見立

馬坡頭雙淚垂

相見坡頭相見時
暫時相見轉相思
人生何處不相見
笑折梅枝當柳枝

晚歸華村卽目

誅茅依僻谷
傍晚自孤行
山牖歸雲斷
柴門落日橫
寒猿愁暮色
深竹亂秋聲
不盡蒼茫意
相將寄杜蘅

山齋夜坐卽景

山高天宇窄
霧氣自氤氳
落葉驚禽夢
迴波蕩水紋
庭空人待月
碓冷鬼舂雲
獨坐成淒楚
含愁過夜分

客中看梅

旅館寒梅發
超然絕壑塵
天涯雙髯雪
微外一枝春
對酒

愁難寫看花句欲新孤芳還似我含意欲沾巾

五十初度誌感

世事艱難久蒙頭半百過盛年輕棄擲壯志漸銷磨豈惜
成名晚惟憂去日多向平吾素企婚嫁待如何
數世中年折吾生自有因傷心思往事報面向時人當此
知非日難爲寡過身殷勤妻若子置酒竟忘貧

冬夜讀史

萬卷堆盈几何辭故紙鑽古今雙眼照風雪一鎧寒長劍
鋒難過深杯酒易乾不平空有恨怒髮自衝冠

寄懷心餘姪

鮮不容容者斯人豈易生一朝誰領袖百代汝權衡報

主心常切持身意敢輕

聖明能不負努力慎經營

大雅沉淪後名流泛濫時長才人莫及細意我能知囊括
元精秘雕鐫物象奇百年文教洽鼓吹繼風詩

文士多無行清操獨可欽風流千載賞忠孝一生心落筆
關名教開懷見古今芳詞珍什襲盥手細披吟

生逢明盛日立志肯蹉跎似汝匡時好如余奈老何雲霄
終竟隔歲月等閒過看取茅連茹寧當遂薜蘿

過楊子載宅有感

萬里靈關裔一時江國英才奇身不祿志大事難成田穀

綿

君賜人情負夙盟元卿兄弟在猶足見平生

謂家禹立心餘克敦舊誼

諸葛洞

聞說武侯留迹處山高峽險賽瞿塘雙門赤壁猿聲斷一線青天日影藏疏鑿幾經神鬼力臥遊應得夢魂涼輕舟迅速如飛鳥一瞬衝波下夜郎

冬日山館夜坐

光陰荏苒一無成獨坐孤窓意自驚缺月已隨殘臘盡寒風偏向客衣生蕭蕭落葉簷端下瀼瀼流泉耳畔鳴撫劍悲歌愁更結都緣身世未忘情

秋柳

張緒何能更少年西風斜照逼寒烟橋邊不耐千番折禁

裏曾經幾度眠老眼猶窺紅葉樹殘絲已挂碧雲天金縷
隕涕情何極曩日青青自可憐

欲作靈和殿裏身纖纖弱質久禁春已無錦繡堪爭艷寧
有笙歌共鬪新細葉昔曾藏宿鳥長條今尙結行人商飈
莫漫加摧折轉眼池塘綠更勻

小徑

小徑傍牆陰欲行還躑躅因憐落瓣紅轉惜新苔綠

樵雲

曉起入深林林中雲漠漠揮斧斷雲根雲飛何處託
採樵復採樵倦臥雲深處覺來雲滿身披雲下山去

旅枕

方作歸鄉夢寧知萬里遊聞鷄驚坐起邊月在牀頭

夢訪隱者句

白雲深處萬山青一徑紆迴到草亭閉戶先生春睡穩風
吹花片打窻櫺

秋日有懷

年光迅若駛方夏忽云秋火雲未盡歛涼颼已颼颼夜來
添微雨曉起思重裘念我遠行人孤蹤何處留江湖饒淒
風况復多羈愁寒衣誰可寄錦字將安投荆梁遠天末鱗
鴻不可求好音尙遲遲佳會殊悠悠及此不言旋霜雪看
盈頭徘徊歲將暮極目望歸舟桂花酒且熟君歸毋夷猶

歲暮送別

之子當遠別歲暮陰雲重不下長離淚知君意氣雄茲行
豈得已男兒有心胸四方憑馳驅厥初祝桑蓬敝廬雖可
戀夙願豈自蒙囊虛乏美食衣薄多寒風努力慎前行得
失由蒼穹得意毋濡遲君子念永終失意毋怨咨君子當
固窮莫辭一尊酒霜雪愁交攻關河千萬里魂夢時相通
素衣勿化緇古意今則同旅况苟不適及早歸山中

雪中望遠

寄懷思縱目扶病強登樓鳥帶雲歸樹風吹雪打頭敝裘
知耐冷薄酒恐添愁萬里人何處寒江一葉舟

春暮

年來長是別離身拋却風前九十春滿院落花鶯語老一

庭芳草露珠新捲簾怕見雙飛燕對鏡愁看獨坐人萬疊
青山空在眼不堪翹首重傷神

白雲一片卷青山萬里風沙斷百蠻春水迢迢愁思遠羅
巾疊疊淚痕斑繁花刺眼時將過絕塞關心客未還安得
刀頭如舊約滿懷離恨一時刪

和清城柳枝詞

楊柳青青拂近城枝枝葉葉可憐生流鶯不省人憔悴故
擲輕梭弄晚晴

饒學曙

學曙字霽南廣昌人乾隆十六年進士廷試第一

官編修

題汪輦雲魚亭遠眺圖

寫生不在貌微意托楮端披圖窮窈窕颯颯秋氣寒長松
倚天際白雲浮漫漫孤亭傍危石彷彿聞幽蘭中有苦吟
士十年著一冠宮商發天籟絲竹鳴流湍古調非不美不
爲俗耳歡改絃諧衆慮惻惻心悲酸邯鄲求故步失路空
蹢躅行矣慎自愛莫歎知音難

文禽好羽毛上下飛且鳴周身生百舌學盡衆鳥聲畫墁
豈不惜求食終營營賃春梁廡下中夜萬感嬰書倉飽魚
蟲父藝子不能欲求妙手筆寫圖作躬耕買田南山趾築
室遠市城揮鋤引昆弟繞席分藜羹遺經究終始舊隴秋
雲平此意諒弗遂饑驅媿塵纓因君發慷慨把卷心忤忤

盧明楷

明楷字端臣寧都人乾隆十六年進士授編修官

至詹事府詹事

少亭大兄至自螺川同宿雙江客舍

判袂長安道披襟貢水滑盡傳新著作不改舊鬚眉仕路
君何淡名場我太癡夜深頻翦燭欸欸說相思

宋五仁

五仁字慕劬奉新人乾隆十六年進士九江教授
奉和董太守龍泉寺卽事原韻

公餘方息轍散步到祇林風細鐘初動苔幽徑轉深茶香
潤世味松影靜禪心一水名功德紅塵隔不侵

文室虛生白華林曉帶青好山皆入夢古佛自通靈月朗
心同印雲深跡暫停琅函抒秀句龍象護禪局

潛從龍

從龍字雲五南城人乾隆十六年進士授刑部主
事歷山西遼州知州著有潤蒼詩鈔

贈盛水賓

札札機中女皎皎顏如玉十年抱幽貞鬢髮已曲局庶士
伊可懷豈不念膏沐如何時運徂賣珠猶補屋上山採白
華終朝不盈掬將以貽所思殷勤事結束歸妹固有期生
事亦云蹙日暮風颼颼三歎倚修竹

題魚亭詩後

亭亭青澗松裊裊松間竹翡翠時一鳴悠然寄芳躅日月
照深黃雲霞恣遠綠感茲造物心羽毛爲汝玉胡爲長奮
飛飄風不我穀飄風豈不仁羽毛期無辱

鳳儀不啄粟琅玕復不飽刷羽摩蒼穹四顧誰能好逍遙
發清音西風落瑤草我亦有心人聽此傷懷抱

四顧何茫茫元音久不作頃逢倜儻生秘啟黃金鑰一唱
再三歎哀聲散林壑太璞不在山利刃不在握無爲長百
憂有酒但斟酌

谷風吹靡蕪葉敗根亦靡良無松柏心膠漆復何裨五陵
輕薄兒長安遊俠子猥瑣諸兒曹肝膈孰能恃越絲腸
絃輅楷截作矢絃矢其絃繩直道互相砥

上已後二日同彭七畏人晚集陳大伯常湖西別墅
用少陵雨詩韻分賦

西山下白日烟光盪輕霧蒼蒼遠風交漁火亂深樹古人
秉燭遊蓉裳沾春露自非靜者心孰識此中趣今子樂園
林門滿千里屨交疏何縱橫青柯夾廣路山氣時一過飛
花相與度亭空生遠思徑曲時迴顧側耳聽滄浪清歌起
童孺濯足自懷新振衣豈亡故征鴻暮哀鳴嗷嗷向誰訴
春陰良渺瀰物意寧無忤對此多慷慨拾磴忘所步跡與
鷗鷺狎夢豈蕉鹿遇不如傾金罍喧呼豁寒素風簷雨聲
求長歌破昏暮

十月自洪州買車旋里予中遲遲其行詩以促之

登車細雨來下車愁暝飛涼風飄征袖十月霜漸肥與子
均遠遊胡爲先子歸飄泊不可留念子更無衣少年重意
氣聲聞寧所希奈何黃金盡更覺知音稀不悲年運徂所
念往者非古林號朔風靡蕪曳林扉孤根尙有托浮萍竟
靡依念子行當返遠遊亦奚爲

會城遲輦雲不至賦此留別

寒氣催年暮遲君不再留鴻飛江畔雨月落夢中秋前路
均如此生涯未可求明朝孤棹去黃葉滿河洲

山左道中賦贈宋慕劬同年

楚哭村村起橫流窮途心事共夷猶百年逝水隨雙槩萬
里征鴻泣九秋死喪頻勞良友念安危何定妻人愁此來

意氣消除盡日極滄浪一釣舟

維揚雜詠

三月隋堤樹樹花江流不盡舊繁華紅橋今日歸來晚一夜西風起暮鴉

艷質香銷杜宇愁一天夢雨咽寒流荒村弱柳垂垂綠都爲遊人弔玉鉤

胡濬

濬字因素南豐人官新建訓導

次潘雲五主政清明日舟中卽景原韻

一帶垂楊鎖暮愁雨中人棹木蘭舟非關芍藥垂紅淚却有幸夷早白頭行客愛看孤月上夕陽偏在亂江流可憐

無賴北邙草只繞青溪問去留

陶其憐

其憐字孚中號栗亭南城人成孫乾隆十七年進士授刑部主事歷員外任彰德知府著有栗亭詩集

留別鄒宗魏

寒風起窮髮颯颯間有聲東南落拓地不欲留其名與子共風雨朝暮同此情別離期益促床頭雙劍鳴中間一樽酒各自言遠行岐路自回首此意君能明

贈朱孺獅

萬物皆有歸斯人何漂泊仰首見天高孤雲方出壑孰抱

百年心九州無寥廓漉酒勸君飲古人不可作

歲暮送汪輩雲之虔州

送途無節候何處問知音客子天涯景高堂歲暮心風高
歸鳥盡夜薄旅寒深若到情悲處囊中有素琴

歲暮遠行內人贈以風霜方滿目一劍獨長行之句
慨然賦答

負郭田安在饑驅不敢辭我貧嗟失路爾苦復何疑不負
風霜意方知造化慈無爲分手後復此獨鳴悲

有感示鄒介亭卽寄林儒珍劉克常謝媿于趙勉齋
陳五璠諸友

十載悲歌地三年風雨親有懷惟自見何事可如人弱鳥

依寒樹孤雲起暮津生涯休息好所得是清貧

江上寄謝尙容兼柬際中

每懷謝客諸昆好一別吟壇又半年琴石響留孤夜雨山
程月迴九秋天無端悵望如雲影萬事蕭騷到髣髴把酒
藤蘿何日事幾回撫景獨凄然

留別胡因素

西風吹薄暮秋意散雲閒壯氣非關酒孤懷不在山十年
衣尙素一夕髣髴斑況是臨橋別蕭條慘客顏

周壩

壩字伯譜龍泉人乾隆十七年進士官知縣

寒夜謠

昨宵餘雪今曉霜朔風遭之相與涼銀箭聲咽凍蟾影銅
壺滴殘金鴨香千里經年動離別隴水關山縈九折便得
江南竹葉舟寰瀛已是蛟冰結誰家絃吹舞亭亭五侯賓
客海東青雙敲剪紅璫瑁璫六曲生綠琉璃屏殷勤嫫媧
夜方宴游絲夢影教相見窻外能調卓女琴箇中省織班
妃扇景陽春麗長門秋夜色叅差歡與愁未是紅顏恩莫
保相如才調千金求

林有席

有席字儒珍分宜人乾隆十七年進士官東湖知
縣著有平園詩鈔

夏熱陶孚中過訪晉飲

人生一罇酒能解百年愁百年今幾日長夏空悠悠君看
庭槐枝穠綠蟬聲幽秋風醒我夢頃刻商聲謳所以豪俠
子秉燭長安遊朝飲爲德容暮飲取仇讎世無不平事揮
金樓上頭

林有彬

有彬字雅成分宜人

過十八灘

灘石嶙嶙江水低扁舟遙駐竹山西無端驚醒還家夢杜
宇聲聲夾岍啼

魏洪

洪字貢來一字力人廣昌人乾隆十七年舉人

登樓望金嶂

寂寞倚高樓風雨樓前鴻遠見碧峯垂環屏如列舍元氣
割鴻濛虛無青不下獨有素心人秋光窮四野

南豐道中

軍峯另削晚模糊石磴平臨雁影孤官道西風橫渡口高
臺落日湧浮圖炊煙負郭秋明滅漁火沿橋夜有無寂寞
黃花誰折贈濁醪盡醉不須沽

建昌懷古

諸峰羅列擁雲鬟往事悲殘落照間銀漢清空秋氣盡碧
流嗚咽水聲還西宮脂盞浮金鼓南國笙歌令玉環廻首
百年都醉夢扶橋一爲叩禪關

閨鑑

鑑字治資南昌人乾隆十八年舉人

遊百花洲

鶯花孤負久，憩息愛湖天。
有客坐亭上，嘉禽鳴樹巔。
斷橋流曲水，孤棹臥春烟。
歎乃歌聲起，何人棹畫船。

春日同龔采文彭長人登大觀樓

典午鷗棲境，依然枕碧流。
雲歸千古寺，風送幾人舟。
樹色春藏嶺，江聲夜滿樓。
一時題詠徧，誰繼杜賢侯。

江西詩徵卷七十七